



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Obedientia.

urn:nbn:de:hbz:466:1-41515

erunt, tantoq; amplius confirmant voluntates suas ad obtemperandum quam absolutissimè Præpositis suis. Iam hinc intelligis quam nihil sit, cur commissorum in eo munere, quam petis, pœnam expectes. Quin adeò mihi de Deo Domino spes est, largè eum labores remuneraturum, quos in ea procuratione suscepisti & sanctos, & fructuosos.

Hæc ad Canisium Borgia. Idem Hoffæum admonuit, tametsi P. Canisius sub potestate eius, uti spontè subdiderat se, esset futurus, tamen meminisset reuereri talem virum, & ubiq; veluti Patrem tractare: consiliumque eius in grauioribus rebus exquireret. Ceterùm duo hæc documenta eximiæ & prorsus ad purum excoctæ virtutis Canisius dedit hoc tempore. Primum tanti æstimauit re vera, ex animiq; sententia beneficium hoc otij sibi, & vacationis concessæ, ut sæpius reputaret secum, & apud Præsides quoque profiteretur, nunc maximè animū sibi ad custodiam suimer, curamq; conuocandum esse, idque eo præsertim faciendum (quod plane fecit) ne ingratus beneficio, ac tempori videretur. Deinde Obedientiam

*Humilitas
Canisij.*

Obedientia.

1 2

& ver.

& versandum non secus, atq; vltimum nouitiorum præberet: quod Dilingani Collegij Minister (eo enim Canisius secesserat) quotidiano vsu cognoscere se, expeririq; testabatur. Nec Prouincialis Hoffæus, vti ex his; quæ deinceps dicentur, constabit, paratæ illi voluntati defuit: sed bonam semper ad exercendam se se, & cumulanda in cælo merita facultatem suggessit. Quod autem, vbi primum Dilingam secessit, vitæ genus instituerit, ex eius Collegij communibus literis iuuat describere, quarum particula est talis. His fratrum studiis non minima accessio facta est ex præclaris Seniorum Patrum in omni virtutum genere exemplis, præsertim autem ex Reuerendi P. D. Petri Canisij religiosissimo apud nos conuictu. Postquam enim is Pater difficillimo se Præpositi Prouincialis munere, quod circiter quatuordecim annos in hac Germania nostra præclare sustinuit, ob grauissimas alias à summo Pontifice sibi demãdadas occupationes superiorum nutu abdicauit, mirum quanta submissione, caritate, familiaritate nobiscum versetur, & agat. Nihil illi perinde gratum, & iucundum accidere potest, atq; tempus omne, quod necessariis studiis suffurari potest,

*Studia prae-
vtilis Cateche-
seos.*